

Morning Regional Dogri News Bulletin, 27th May 2025

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. उपराज्यपाल मनोज सिन्हा होरें आखेआ ऐ जेकर पाकिस्तान अपने पछोकड़ै आतंकवाद पालने दा बतीरा जारी रखदा ऐ तां इक रोज धरती पर ओहदा अपना वजूद गै खत्म होई जाग।
2. मुख्यमंत्री उमर अब्दुल्ला होरें जम्मू कश्मीर च विकास बाढ़े गी रफतार देने लेई जिला सतह पर लक्ष्य मिथियै योजना तैआर करने पर जोर दित्ता ऐ।
3. उपमुख्यमंत्री सुरिन्दर चौधरी होरें जम्मू कश्मीर स्टार्ट अप नीति 2024–27 पर उद्यमता विकास संस्थान दी बैठका च कारवाइएँ लेई दिशा–निर्देशें ते पैहा उपलब्ध कराने दी बवस्थाएँ गी तरजीह देने पर जोर भरेआ ऐ।
4. भारत दे सर्वदलीय शिष्टमंडल बक्ख–बक्ख मुल्खें च जाइयै पाकिस्तान दी आतंकी नीतिएं गी करा करदे न।
5. सेहत सचिव होरें औंदी अमरनाथें दी यात्रा लेई सेहत सुविधाएं सरबंधी तैआरिएँ दी समीक्षा कीती।

<><><><><><>

LG-Rashmirathi(byte)

उपराज्यपाल मनोज सिन्हा होरें आपरेशन सिंदूर दरान पाकिस्तान खलाफ उंदी मजबूत ते फैसला कु'न कारवाई लेई भारतीय थेआरबंद बलें दे जवानें दी हिम्मत ते दलेरी गी नमन कीता ते आखेआ जे भारत नै आतंकवादी राज्यें गी चेतावनी दित्ती जे ओह आतंकवाद गी बढ़ावा दिंदियां न ते साढ़ी फौज दुनिया दे नक्शे उप्परां ओहदा नामोनशान मटाई देग। उपराज्यपाल होरें एह गल्ल जम्मू यूनिवर्सिटी आस्सेआ आयोजित राष्ट्रकवि रामधारी सिंह दिनकर हुंदे महाकाव्य "रश मारथी" दी नाटय प्रस्तुति दरान किट्ठे गी संबोधत करदे होई आक्खी। अपने संबोधन च उनें मन्ने परमन्ने दे कवि रामधारी सिंह दिनकर होरें गी श्रद्धांजलि दित्ती ते हिंदी साहित्य, भारतीय राष्ट्रवाद ते समाज च उंदे अनमुल्ले योगदान गी चेता कीता। उनें अगगे आखेआ.....

...बाईट

<><><><><><>

CM-Planing Meeting

मुख्यमंत्री उमर अब्दुल्ला होरें डेआ विश्लेषण च जिला सतह पर लौहकी अवधि आले लक्ष्य तैह करने दी जरूरतै पर जोर दित्ता ऐ जेहडे हर खित्ते दिऐं मकामी ते टकोहदी जरूरतें पर आधारित होऐ। सिविल सचिवालय श्रीनगर च योजना विकास ते निगरानी बारे लोआई गेदी इक व्यापक जायजा बैठक दरान सरकार दिऐं त्रऊं महत्व आली पैहलकदमिऐं बारे तफसीली पेशकारी कीती गेई जिंदे च लक्ष्य समन्वय केन्द्र, जिला घरेलू उत्पाद ते जिला सुशासन इंडेक्स शामिल न। बैठका गी संबोधत करदे होई मुख्यमंत्री होरें आखेआ जे जिस चीज दी हुन असंगी लोड़ ऐ ओ ऐ लक्ष्य आधारित जिला सतह दी योजना तैआर करना जेहदे च उस जिले दी पूरी समर्थ दा पता लाना ते उस समर्थ दा पूरा पूरा इस्तेमाल करने बश्कार दे छिंडे गी खत्म करना। उनें आखेआ जे एह लौहके लौहके लक्ष्य असें गी 2047 तगर जम्मू कश्मीर गी बी इक विकसित प्रदेश बनाने दे सुखने गी मूर्त रूप देने च मददगार साबत होग। मुख्य सचिव अटल डुल्लू ते होर केई मैहकमे दे बड्डे अफसर बी इस बैठका च मजूद हे।

<><><><><><>

CM-KCCI

मुख्यमंत्री उमर अब्दुल्ला होरें कल सिविल सचिवालय श्रीनगर च कश्मीर बपार ते उद्योग मंडल दे इक शिष्टमंडल कन्नै गल्लबात दरान बपार, कारोबार ते उद्योगें सरबंधी केई सारे मुद्दे पर चर्चा कीती गेई। शिष्टमंडलै सैलसफा, राई-बाई, बागवान, शिक्षा, सेहत, खातरतवज्जो, शैहरी विकास ते ट्रांसपोर्ट समेत बक्ख-बक्ख कारोबारें सरबंधी चिंताएं गी उंदे सामने रखेआ, टकोहदा करियै मजूदा हालात च सैलसफा दे क्षेत्र च आई दी कमी दी पछोकडै च जेहदे नै लगभग हर कारोबार दे सामने इक चुनौती आली स्थिति बनी दी ऐ। बपार ते उद्योग मंडल दे अध्यक्ष जावेद अहमद टेंगा होरें मुख्यमंत्री हुंदे अग्वे अपील कीती जे बपारी समुदाय गी इस कठन हालात चा बाहर कड्डने लेई लोड़चदे हिले, सरकार आस्सेआ कीते जान। मुख्यमंत्री होरें सब्बने दे मुद्दे ते चिंताएं गी धरोइयै सुनने परैंत उनेंगी जकीन दोआया जे सरकार उंदे मट्टै पेदे कम्म च नमें सिरैया जान भरने लेई हर मुमकन उपाह करोग। उमर होरें उनेंगी आखेआ जे खित्ते च आए दी आर्थिक नमी कोई नमी गल्ल नेई ऐ, पिछले किश बरे दरान बी ऐसी परिस्थितिऐं शा लंघना पौंदा रेहा ऐ।

<><><><><><>

Dy CM Meeting

उपमुख्यमंत्री सुरिन्दर चौधरी होरें कल श्रीनगर दे सिविल सचिवालय च जम्मू कश्मीर स्टार्टअप नीति 2024-27 दी प्रगति दा जायजा लैने आस्तै इक उच्ची सतह दी समीक्षा बैठक दी अध्यक्षता कीती। इस मौके पर बोलदे होई उपमुख्यमंत्री होरें जम्मू कश्मीर दे स्टार्टअप नीति दे संचालन सरबंधी निदेशें ते पैहे सरबंधी सरिस्ते गी प्राथमिकता देने पर जोर पाया तां जे जम्मू कश्मीर दे युवाएं गी उंदा फायदा हासल करोआया जाई सकै। उनें सरबंधत अधिकारिऐं गी निर्देश दित्ते जे ओह जम्मू कश्मीर च स्टार्टअप गी बधाने ते उंदे च तेजी आहनने लेई राष्ट्रीय ते अंतर्राष्ट्रीय संस्थाने कन्नै रलियै कम्म करन। सुरिन्दर चौधरी होरें स्कूलें ते कालजें च जागरूकता

कार्यक्रम चलाने लेई बी आखेआ तां जे इच्छुक उद्यमिएं गी बढ़ावा दित्ता जाई सकै। उनें जम्मू कश्मीर उद्यमता विकास संस्थानें जेकेईडीआई.एस पंपोर ते बड़ी ब्राह्मणा संस्थानें गी निर्देश दित्ते जे ओह योग्य स्टार्टअप गी उपलब्ध करोआन।

<><><><><><>

M.P Reasi Visit(byte)

लोकसभा दे मिंबर जुगल किशोर शर्मा होरें कल रियासी जिले दा व्यापक दौरा लाया ते उत्थें रिवायती सैलसफा, विरासती सैलसफा, साहसिक सैलसफा ते धार्मिक सैलसफा गी बढ़ावा देने लेई पंछान कीती गेदिएं गिहरें पर जारी विकास कम्में दा जायजा लैता। रियासी दे विधायक कुलदीप राज दूबे होर बी उंदे कन्नै हे, जिनेंगी सैलसफा दे लिहाज कन्नै महत्वपूर्ण थाहरें दा दौरा कीतां इस दौरे दा मकसद रियासी क्षेत्र दिएं इतिहास, संस्कृति ते विरासत दे नजरियै कन्नै महत्वपूर्ण थाहरें गी बढ़ावा देना हा तां जे श्री माता वैष्णो देवी जी दी यात्रा पर औने आले श्रद्धालुएं गी इंदी बक्खी बी आकर्षित करियै सैलसफा गी बढ़ावा दित्ता जाई सकै। जुगल किशोर शर्मा होरें सैलसफा गी प्रधानमंत्री नरेन्द्र मोदी हुंदे “आत्मनिर्भर भारत” आले सुखने कन्नै जोड़ने पर बी जोर दित्ता। उनें आखेआ.....बाईट

<><><><><><>

APD

भारत दे बहुदलीय प्रतिनिधिमंडलें बक्ख-बक्ख मुखें दा दौरा लाया ते आतंकवाद गी बिंद बी बर्दाश्त नेइ करने आले सनेए गी जारी रखदे होई वैश्विक सतह पर पाकिस्तान आस्सेआ आतंकवाद गी दित्ते जा'रदे समर्थन दा पर्दाफाश कीता। फ्रांस च सर्वदलीय प्रतिनिधिमंडल दी अगुवाई करा'रदे बीजेपी दे सांसद रवि शंकर होरें आखेआ जे भारत आतंकवाद खलाफ अपनी लड़ाई च इकजुट्ट होइयै खड़ोते दा ऐ। कांग्रेस सांसद शशि थरूर हुंदी अगुवाई च इक सर्वदलीय प्रतिनिधिमंडल दे मिंबर बीजेपी सांसद तेजस्वी सूयां होरें गुयाना दी राष्ट्रीय असेंबली दे अध्यक्ष गी अपनी टिप्पणी च पाकिस्तान आस्सेआ कीते गेदे आतंकवाद दे कम्में बारे जानकारी दित्ती। बीजेपी सांसद वैजयंत पांडा हुंदी अगुवाई च इक सर्वदलीय प्रतिनिधिमंडल कुवैत गेदा हा जिसलै के जेडी(यू) दे सांसद संजय झा हुंदी अगुवाई च इक प्रतिनिधिमंडल नै आतंकवाद खलाफ भारत दे पक्के धेइयै गी उजागर करने लेई दक्खन कोरिया दा दौरा लाया।

<><><><><><>

Secy Health SANJAY

सेहत ते मैडिकल शिक्षा मैहकमे दे सचिव डॉ. सैयद आबिद रशीद शाह हुंदी अध्यक्षता च कल लग्गी दी इक उच्ची सतह दी बैठक च औंदी अमरनाथें दी यात्रा लेई तैआरिएं गी मुकदा रूप दित्ता गेआ। उनें कश्मीर ते जम्मू दे सेहत सेवाएं सरबंधी निदेशकें गी आखेआ जे मैडिकल कर्मिएं गी तैनात करने सरबंधी व्यापक योजनाएं गी इस म्हीने दी 30 तरीक तोड़ी जमा करोआई देन। उनें जम्मू कश्मीर च दोआइएं बगैरा दी सप्लाई सरबंधी निगम गी निर्देश दित्ता जे चंदनवाड़ी ते बालटाल च बनाए गेदे वेयर हाउसें च सब्बने जरूरी दोआइएं ते मैडिकल उपकरणें दी दस्तेयाबी जकीनी बनाई जा ते यात्रा शुरू होने कोला पैहले पैहले सेहत केन्द्र, दोआई केन्द्र ते जांच केन्द्र बगैरा पूरी चाल्ली चालू स्थिति च रखे जाने लोड़चदे।

<><><><><><>

DC Jammu SANJAY

जम्मू दे जिला विकास कमीशनर सचिन कुमार वैश्य होरें कल श्री अमरनाथ जी दी यात्रा-2025 लेई कीती जा'रदिएं तैआरिएं दी समीक्षा लेई कल इक बैठक सददी जेहदा मकसद यात्रा च शामिल सब्बने मैहकमे ते धड़े बश्कार नेड़मा तालमेल जकीनी बनाना हा तां जे इस सलाना आयोजन गी पूरी चाल्ली रमानदारी, सुरक्षत ते बवस्था आले ढंगै सिर तोड़ चाढ़ेआ जाई सकै। जिनें परमुख विषे पर बैठका च गल्लबात कीती गई उंदे च सुरक्षा, ट्रैफिक प्रबंधन, यात्रुएं दे ठैहरने दी बवस्था, साफ सफाई, यात्रा रजिस्ट्रेशन, अगग लग्गने जां कुसै माड़ी घटना दी सूरतै च तुरत कारवाई दे इंतजाम बगैरा शामिल रेह। डीसी होरें सरबंधत मैहकमे ते अधिकारिएं गी जोर देइयै आखेआ जे हर तैआरी ते कारवाइयां यात्रा लेई तैहशुदा नियमें कायदे मूजब ते मजूदा हालात ते जरूरतें गी ध्यानै च रखदे होई कीतियां जान।

<><><><><><>

Poonch-TT (byte)

भारत ते पाकिस्तान बश्कार हाल च गै होए दे सीजफायर समझोते मगरा कल पुंछ दे जिला युवा सेवाएं ते खेड़ड मैहकमे नै जिला सतह दी टेबल टेनिस प्रतियोगिता ते परीक्षण दा आयोजन कीता। एह कार्यक्रम बन्ने आले इलाकें च खेड़ड गतिविधिएं दा परतियै ब्हाल होने दा प्रतीक ऐ की जे बन्ने पारा गिमां तनाह दे कारण इंदे च रुकावट आई गेदी ही। अधिकारिएं मूजब पुंछ दे तकरीबन 30 युवा खडारी इस परीक्षण च हिस्सा लै'रदे न, जेहदा मकसद औंदे अंतर जिला प्रतियोगिता लेई बेहतरनीन प्रतीगाएं दा चयन करना ऐ। पुंछ दे जिला युवा सेवा अफसर मोहम्मद कासिम होरें आखेआ.....बाईट

<><><><><><>